


Bruno Durand

**Lis Alenado
dóu Garagai**



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

LIS ALENADO DÓU GARAGAI

Il est des lieux où souffle l'esprit.

M Barrès.

Desempièi qu'à la lus ma prunello es duberto,
Iéu vese uno mountagno au proufiéu secarous
Que drèisso aperalin soun esquino cuberto
De genèbre, d'avaus e de pin souloumbrous.

Bluiejant dins lou cèu, lou Mount de la Vitòri
Tresploombo lou campas, la vigno e l'óulivié;
E pantaio en silènci à-n-quéu jour de glòri
Mounte l'aiglo roumano a coucha li ratié...

Au cresten dóu roucas, gausi di mistralado,
Es un toumple prefound e que porto l'esfrai,
Negre nis de machoto e de rato-penado,
Que li gènt de l'endré noumon lou Garagai.

Amount, i'a proun de tèms, lis ouracle parlavon;
Ero un rode sacra, misterious emai fèr...
Durant li claro niue, li masco barrulavon,
E l'on disié: - Vaqui lou draïou de l'infèr!

De voues restountissien dins lou gourg de malastre,
De l'esperit dóu mount boufavo aqui l'alén;
Em' un signe de crous s'alunchavon li pastre...
Degun n'a jamai vist lou founs dóu caraven